



TONI VAN ZYL

Financial Services / Finansiële Dienste
CC/BK 97/20955/23 FSP 181
Tax Practitioner / Belastingpraktik nr: PR-FC816B3
VAT / BTW 4450165438

✉ 21 Erica Street,
Gordon's Bay / Baai, 7140

☎ 021 856 2100/40
☎ 021 856 4581
✉ tonis@yebo.co.za

*Professional independent financial service providers whom you can trust
Professionele onafhanklike finansiële diensteverskaffers op wie u kan staatmaak*

Financial-, Estate- & Retirement Planning / Short Term Insurance / Budget Planning
Finansiële-, Boedel- & Aftreebeplanning / Korttermynversekering / Begrotingsbeplanning

Liewe Kliënte,

Desember 2011

2011 is op 'n einde. Baie dankie aan al ons kliënte vir julle ondersteuning en baie welkom aan al ons nuwe kliënte. Ons heg baie waarde aan julle almal en ons missie bly steeds die skepping en behoud van welvaart en die beskerming teen finansiële risiko's gebaseer op 'n wedersydse verhouding van vertroue en integriteit.

Dit is belangrik vir ons om ons kliënte se portefeuljies jaarliks te hersien. Maak seker julle kan julle afspraak nakom.

Masthead, ons voldoeningsbeampte en die grootste ondersteuningsnetwerk vir onafhanklike finansiële adviseurs in SA, doen kwartaaliks beoordeling van prosesse by ons kantoor. Dit verseker dat ons kliënte effektief en volgens wet gediens word. Ons is trots daarop dat ons stelsels grootliks in plek is. Dankie aan Herman, ons voldoeningsbeampte vir jou bydrae om te verseker dat ons kantoor effektief funksioneer.

Terugblik op 2011

Markte was gedurende die jaar wisselvallig (Alsi -3,1%) terwyl rentekoerse konstant gebly het (Geldmark 5,5%). Wat 'n moeilike jaar vir fondsbestuurders. Baie dankie aan ons fondsbestuurders wat weereens puik prestasies gelever het in die moeilike omstandighede.

Op persoonlike vlak het ons jaar interessant verloop. In Julie maand was Elmarie in 'n ongeluk op die N2 waarin 6 motors betrokke was. Alhoewel die motor afgeskryf is, het sy gelukkig slegs ligte beserings opgedoen. Tydens Junie het Toni na aanleiding van 'n chroniese rug/ buikpyn 'n dringende operasie ondergaan om sy blindederm, waar 'n gewas gevorm het, te verwyder. Na aanleiding van hierdie mediese kondisie kon Toni ook 'n eis instel op tydelike ongeskiktheid wat net weereens die noodsaaklikheid van voldoende risiko dekking bevestig. Ons is dankbaar almal is nou weer gesond.

Kirsten, ons dogter, werk ook nou deelyds vir ons en is besig om alle dokumentasie in te skandeer om dit elektronies te kan bewaar. Toni, Elmarie en Antoni het die verpligte RE5(R) (Voorgeskryfte eksamens) suksesvol afgelê.

Vooruitsigte vir 2012

Ons is positief en opgewonde vir 2012. Ons is in die proses om ons eie webtuiste te ontwerp. Baie dankie aan Anthony Joshua vir sy inisiatief en moeite tot dusver en in die toekoms. Ons beoog om

onder andere ons ontledingsprogram verder op te gradeer om nog meer waarde aan ons kliënte toe te voeg.

As inspirasie

Ons is werklik trots op twee van ons kliënte:

Philip Koen, 'n elektrisiën van Willowmore, het 10 jaar gelede sy arm in 'n motorongeluk verloor. Ten spyte van sy omstandighede werk hy en sy getroue handlanger nou weer voluit met al die boere in die distrik se elektriese toerusting.

Ingrid September het net voor die ouderdom van 60 saam met haar dogter, Quinn, 'n regsgraad behaal.

Baie dankie, julle is voorwaar 'n inspirasie vir ons almal. Baie geluk ook aan al ons ander kliënte wat hulle studies suksesvol voltooi het.

Welvaartskepping

Bron: Masthead Nuusbrief Sept. 2011

Uit die jongste peiling van die tweejaarlikse Old Mutual Spaar analise wat Suid-Afrikaners se spaarpatrone onder die loop neem, blyk dit dat Suid-Afrikaners die impak van die resessie beleef het, maar egter positief vir die toekoms begin beplan.

Die meeste van ons spaar egter veels te min en is nie voorbereid op onvoorsiene gebeurlikhede nie. Baie van ons sal bejaarde ouers moet versorg en terselfdertyd ook vir kinders se tersiëre opleiding moet voorsiening maak. Daar is ongelukkig nie 'n kortpad na finansiële vryheid nie. "Vinnig-ryk-word"-skemas werk dood-eenvoudig nie.

Belê by 'n gevestigde maatskappy met 'n bewese prestasierekord – wees bedag vir beloftes van onrealistiese opbrengste wat in die huidige marktoestande eenvoudig nie haalbaar is nie.

Verstaan jou tydhorison en risikoprofiel – hoe langer die tydperk wat jy het om te belê, hoe groter die risiko wat jy kan bekostig om te loop en hoe beter die kans dat jy aantreklike opbrengste sal behaal en die voordeel van saamgestelde rente (d.w.s. rente op rente) sal geniet. **Dis die tyd in die mark wat tel – nie die tydsberekening nie.**

Dit is beter om geld oor die lang termyn met gereelde tussenposes te belê. Meeste mense wil belê wanneer die markte 'n sterk lopies het en is geneig om hul geld te onttrek sodra daar 'n afswaai is.

Dit maak sin om aan te hou belê wanneer die mark afplat en aandele ondergewaardeer en heelwat goedkoper is. Sodoende sal jy meer geld maak wanneer die mark weer begin styg.

Diversifiseer sodat as een van die bates, beleggings of markte nie goed presteer nie, jy steeds die ander beleggings het wat vir jou werk – met ander woorde jy bestuur jou risiko. Moenie op die opbrengs van 'n enkele beleggings fokus nie, maar beskou jou beleggingsportefeulje as een geheel.

Balanseer jou portefeulje – moenie in eiendom of kontant alleen belê nie. Daar sal altyd tye wees dat een bateklas beter as ander presteer. Waar kontant en effekte stabiliteit verskaf, bied aandele en eiendom weer groei.

Kies 'n professionele portefeulje-bestuurder wat geleenthede kan ondersoek en oordeelkundig sal belê.

Onthou, elke mens is uniek – 'n belegging wat goed is vir jou buurman is nie noodwendig goed vir jou nie, 'n Weldeurdagte finansiële plan sal jou help om sukses te behaal, ongeag die beweging van die mark.

Aftreebeplanning

Dis van uiterse belang om so vroeg as moontlik te begin spaar vir aftrede. Volgens 'n studie van Sanlam (Mail & Guardian, 12 Aug. 2010) moet 64% van afgetredenes in Suid-Afrika tans afskaal met hulle leefstyl en 31% noodgedwonge aanhou werk. Volgens die opname van Sanlam beraam

